

Na osnovu člana 16. stav 4. Zakona o Vladi Zeničko-dobojskog kantona -Prečišćeni tekst ("Službene novine Zeničko-dobojskog kantona", broj 7/10), a u vezi sa članovima 37. stav (1) i 45. stav (1) Zakona o izvršavanju Budžeta Zeničko-dobojskog kantona za 2017. godinu ("Službene novine Zeničko-dobojskog kantona", broj: 15/16), Vlada Zeničko-dobojskog kantona, na prijedlog Ministarstva za poljoprivredu, šumarstvo i vodoprivredu, na 92. sjednici, održanoj 04.04.2017. godine, d o n o s i

ZAKLJUČAK

**o usvajanju Programa utroška sredstava od koncesija za 2017. godinu
u razdjelu 23, budžetska organizacija 01, potrošačka jedinica 0001,
Budžeta Zeničko-dobojskog kantona za 2017. godinu
pozicija «Realizacija projekata Vlade koji se finansiraju iz prihoda od koncesija »**

I.

Usvaja se Program utroška sredstava od koncesija za 2017. godinu, u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2017. godinu, ("Službene novine Zeničko-dobojskog kantona", broj: 15/16), ekonomski kod 614 100, pozicija «Realizacija projekata Vlade koji se finansiraju iz prihoda od koncesija», u iznosu od 120.000,00 KM (slovima: stotinudvadesethiljada konvertibilnih maraka), koji čini sastavni dio ovog zaključka.

II.

Sredstva planirana Budžetom Kantona za namjene predviđene ovim Zaključkom, realizovat će se isključivo u skladu sa realizacijom ostvarenih javnih prihoda u Budžetu Kantona, planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, te u skladu sa utvrđenim ukupnim nivoima do kojih se za pojedini mjesec od strane Vlade Kantona odobre mjesečni operativni budžeti svim budžetskim korisnicima, osim u slučajevima odobrenim posebnim aktom Vlade.

III.

Za realizaciju ovog Zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____ /17.
Datum, 04.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu,
šumarstvo i vodoprivredu
1x Ministarstvo finansija,
1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA SREDSTAVA OD KONCESIJA
ZA 2017. GODINU**

ZENICA, april 2017. GODINE

I ZAKONSKI OSNOV ZA DONOŠENJE PROGRAMA UTROŠKA SREDSTAVA OD KONCESIJA ZA 2017.GODINU

Zakonski osnov za donošenje Programa utroška sredstava od koncesija za 2017. godinu je sadržan u članu 37. stav (1) Zakona o izvršavanju Budžeta Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16), kojim je utvrđeno da će se budžetska sredstva na poziciji „Realizacija projekata Vlade koji se finansiraju iz prihoda od koncesija“ koristiti prema programu utroška koji donosi Vlada Kantona, a u članu 45. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog zakona.

II OBIM PLANIRANIH ULAGANJA I NAČIN REALIZACIJE

Budžetom Zeničko-dobojskog kantona za 2017. godinu („Službene novine Zeničko-dobojskog kantona“, broj: 15/16) u razdjelu 23, budžetska organizacija 01, potrošačka jedinica 0001, ekonomski kod 614 100, Pozicija «Realizacija projekata Vlade koji se finansiraju iz prihoda od koncesija», planirana su sredstva u iznosu od 120.000,00 KM (slovima: stotinudvadesethiljada konvertibilnih maraka).

Navedena sredstva koja se prikupljaju od naknada za koncesije na vodama, koja pripadaju Ministarstvu za poljoprivredu, šumarstvo i vodoprivredu utrošiti će se za:

1. Naziv projekta: Izrada Sudije o ekonomskoj opravdanosti dodjele sa idejnim rješenjem MHE Grabovica na gradskom vodovodnom sistemu Olova

Cilj projekta: Stvaranje zakonskih preduslova za dodjelu koncesije na vodama na predmetnom lokalitetu, prema prijedlogu Općine Olovo. Postupak javne nabavke za izradu Studije pokrenut je u 2016. godini, u skladu sa Programom utroška sredstava od koncesija za 2016. godinu, a realizacija istog planira se u 2017. godini.

Iznos sredstava: 9.243,00 KM

2. Naziv projekta: Izrada Sudije o ekonomskoj opravdanosti dodjele sa idejnim rješenjem hidroenergetskog iskorištenja slivnog područja rijeke Očevlje za potencijalnu gradnju malih hidroelektrana, općina Vareš

Cilj projekta: Stvaranje zakonskih preduslova za dodjelu koncesije na vodama na predmetnom lokalitetu, prema prijedlogu Općine Vareš. Postupak javne nabavke za izradu Studije pokrenut je u 2016. godini, u skladu sa Programom utroška sredstava od koncesija za 2016. godinu, a realizacija istog planira se u 2017. godini.

Iznos sredstava: 5.791,50 KM

3. Naziv projekta: Izrada studija o opravdanosti dodjele koncesija na vodama, za revitalizaciju izvorišta voda koja se mogu dati na koncesiju, za izradu potrebne projektne dokumentacije i za druge aktivnosti i stručne poslove koji se odnose na koncesije na vodama, kao i za finansiranje ili sufinansiranje projekata prema aplikacijama općina za ove namjene prema programima općina, uz prethodno odobrenje Vlade Zeničko-dobojskog kantona

Cilj projekta: Stvaranje zakonskih preduslova uslova za dodjelu koncesija na vodama, zatim poboljšanje stanja vodnih resursa koji se mogu dati na korištenje putem koncesije, uključujući finansiranje/sufinansiranje projekata prema aplikacijama općina za ove namjene, sa ciljem unaprjeđenja stanja u ovoj oblasti.

Sredstva sa ove pozicije za svaki pojedini projekat odobrava Vlada Kantona zaključkom, na prijedlog Ministarstva za poljoprivredu, šumarstvo i vodoprivredu.

Iznos sredstava: 104.965,50 KM

REKAPITULACIJA:

Red.br.	NAZIV	Planirano (KM)
1.	Izrada Sudije o ekonomskoj opravdanosti dodjele sa idejnim rješenjem MHE Grabovica na gradskom vodovodnom sistemu Olova	9.243,00
2.	Izrada Sudije o ekonomskoj opravdanosti dodjele sa idejnim rješenjem hidroenergetskog iskorištenja slivnog područja rijeke Očevlje za potencijalnu gradnju malih hidroelektrana, općina Vareš	5.791,50
3.	Izrada studija o opravdanosti dodjele koncesija na vodama, za revitalizaciju izvorišta voda koja se mogu dati na koncesiju, za izradu potrebne projektne dokumentacije i za druge aktivnosti i stručne poslove koji se odnose na koncesije na vodama, kao i za finansiranje ili sufinansiranje projekata prema aplikacijama općina za ove namjene prema programima općina	104.965,50
UKUPNO :		120.000,00

Broj: 02-_____ /17.
Datum, 04.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.